



Jumat, 25 Desember 2020

Ogen: Matius 1:24-25



Jesus Tubuh



Tubuh me IA jannah gelarNA Jesus. Gelar Jesus eme cakap Junani. Adi i bas cakap Heber igelari 'Yosua.' Ertina **TUHAN EME KESELAMATEN.** Man kalak Jahudi gelar seh kal pentingna. Emaka labo pernah ia mekarus erban gelar. Gelar sada pengarapen man bana. Erdandanken sie maka rusur rulih ulih gelar bapa ras bulang i bere denga man anak tah kempu gelah seh paksana jadi me sura-sura ndai.

La si eteh ngkai maka gelgel melala si idah gelar kalak Karo kurang si akap sikapna. Malah i bas gelar si la siakap mehuli. Umpamana lit gelar kalak Karo enda "Gutul, Cukandit, termasuk gelar nipe pe lit."

Arah gelar Jesus e saja enggo ngatakenca kerina jelma babo doni enda perlu man baNa sabab kerina manusia enggo erdosa. Erkiteken manusia enggo erdosa maka lanai lit keselamatan i bas kegeluhenna. Ukumen kematen si rasa lalap nari nge si jadi sikerajangen kalak si erdosa. Erdandanken sie me maka IA reh ku doni enda gelah IA banci jadi juru selamat man kalak perdosa ndai.

Salah sada si kesangapennta si mbelinna eme erkiteken si tandai Jesus si jadi **ULU KESELAMATEN DONI ENDA.** Lebih asa kai pe arusna keriahen manusia adi ietehna ise si iperingeti kita ketubuhenna wari si sendah. Labo lit kai pe ertina kegeluhenta i doni enda adi la kin Jesus reh ndahi kita manusia si perdosa enda. Kerehen Jesus kudoni enda lebihen asangkan erta doni, kebayaken ras kai pe, sabab labo kai pe lit singasup mulahi manusia ibas kuasadosa si maba kukematen e. Erdandanken sie patut kal kita ngataken bujur man Dibata sebab enggo tubuh **JURU SELAMAT** si ngangkut dosanta kerina.

SELAMAT WARI NASAL.